



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Martini Lvtheri Piae Ac Doctae Operationes In Dvas Psalmorvm Decades

Luther, Martin

Basileae

VD16 L 5540

Ego clamaui, quoniam exaudisti me deus, Inclina aurem tuam, & exaudi  
uerba mea.

**urn:nbn:de:hbz:466:1-37005**

probat, q̄ operibus suis sese tētant quietos facere, semper discētes, & nunq̄ ad sciētiam ueritatis peruenientes, & tamen speciem pietatis habentes.

Aliud periculū perseueratiā, multo grauius, ex alio latere, scilicet a dextris, quod est ipsa securitas, prosperitas, & pax impiorum, de quo psalmo. lxxij. Mei autem pene moti sunt pedes, pene effusi sunt gressus mei pacem peccatorum uident. In labore hominum non sunt, & cum hominibus non flagellantur. Hic uere cadunt a dextris decem milia, ubi illic cadunt a latere sinistro, uix mille. Non enim de prosperitate impiorum eorum loquitur tantum, qui crassis, fallunt, nisi uoluntarios & scientes, sed multo maxime de hypocritis qui operibus hominum speciose fulgentes, nulla cruce uexati, uidentur optimam uitam agere, qui uerba labiorum dei, suis operibus aptant, qualis & hodie est pontificum, sacerdotum & religiosorum uita; Ab his nemo satis tutus esse potest, hic in errorem ducuntur, si fieri potest, etiam electi. Nam hac uia, Papa & Episcopi facti sunt domini orbis terrarum, quibus strenue adulantur reliqui Clerici & religiosi. In his omnibus, ne tantillum quidem uidemus crucis Christi & uere pietatis, immo uero maximi omnium crucis inimici hi sunt, & tamē opinione & nomine pietatis celebres sunt, ob sola opera hominum, putamus enī insensati, quia prosperantur in suis uis, ita ut etiam reges magnos humiliarint, & ut quisq̄ fuit doctissimus & optimus damnarint, omnia eorum ex deo esse, cum tamen ea prosperitas nō nisi erroris operatio sit ab Apostolo prædicta. Ista est uorago & ianua patens inferni. In hanc tanto æstu orat hic Propheta, unde & sequitur cœptam orationem prosequens.

Ego clamaui, quoniam exaudisti me deus, Inclina aurem tuam, & exaudi uerba mea.

Duo pronomina, te, & mihi, noster, uel aliquis scriptorum omisit, unde Hieronymus melius ita uertit: Ego inuocaui te, quia exaudies me deus meus, Inclina aurem tuam mihi, audi eloquium meum. Incipit autem a gratitudine & confessione præteritæ exauditionis, hoc ipso captans beneuolentiā & parans impetum orandi, quia ut uidebimus, instanter urgebit affectum orationis, motus magnitudine & multitudine disruptorum & luporum, quibus uellet resistere, & tot miseris animas seruare, nec potest. Ac si ardētī & præsumptuosa quadam indignatione dicat: Ecce audisti me antea sæpius, cū te inuocarem, etiam nunc oro, Inclina ad me aurem tuam & audi uerba mea, dum tā magna & necessaria, pro tot milibus pereuntium, contra tot insidias perdentium, peto. Nec obstat, q̄ heb. futuro dicit: Audies me deus, Et noster, Exaudisti me deus, præterito, quia more prophetico inuoluit utrumq̄, præteritū & futurum, uideturq̄ esse is sensus, q̄ nos uulgo diceremus: Cōfido me nō frustra dicturum, qui sciam q̄ soleas (quæ tua est clemētia) me dignāter audire. Hebraus cōiunctiuum modum non habet, sed indicatiuo futuro, pro eo utitur. Hoc modo Christus Ioan. ij. dicit: Pater gratias tibi ago, quoniam audisti me: Ego autem sciebam, quia semper me audis. Atq̄ hinc soluitur ista difficultas, quæ Aug. etiā aliquoties torsit, cum dicēdum uidetur inuersa sententia: Tu exaudisti me, quia ego clamaui ad te, sed longe pulchrius: Ego clamaui, qm̄ tu audis, ut cōmendetur, misericordia, siue p̄mittētis, siue audiētis, quæ mouet & causa est ut audeamus clamare potius, q̄ clamor orantis, cui per se nihil debetur.

Inclina

Inclina aurem, tropus familiaris Psalterio, quo tamen (ut dictum est in superioribus) humilitas orātis exprimitur, & exaudientis maiestatis altitudo, quæ respicit humilia in coelo & in terra, hoc est, inclinat aurē ad præces humilium sine dubio auertens faciem a superbis.

Mirifica misericordias tuas, qui saluos facis sperantes in te.

A resistentibus dextræ tuæ, Custodi me ut pupillam oculi,

Sub umbra alarum tuarum protege me.

Sic enim distinguuntur ij duo uersus in hebræo, multoq; pleniori energia dicitur hebraice מושיע הוסיס Mosia hosim, saluator fidentium, seu sperantium, absolute, q̄ qui saluos facis sperantes in te. Nā in te, additum est ab interprete. Vide itaq; uim & impetum orationis, in singulis uerbis quanto affectu, quantoq; sollicitudine instet & urgeat.

Primum, Mirifica, non ostende tm̄, hoc est, fac ut uideant q̄ mirabilia sint misericordiar. Quo modo? Videte uocationem uestrā fratres, quia nō m̄di sapiētes sed m̄m carnem, nō m̄di potētes, nō mundi nobiles, sed quæ stulta sunt mundi eligit deus, ut confundat sapiētes, & in firma mundi eligit deus, ut confundat fortia, & ignobilia mundi & contemptibilia, & ea ea quæ non sunt degit deus, ut destrueret ea quæ sunt, ut non gloriatur in conspectu eius omnia caro. j. Corinth. j. Et rursus idem Paulus. j. Timoth. j. Fidelis sermo & omni acceptione dignus, quia Iesus Christus uenit in hunc mundum, peccatores saluos facere. Hæc enim sunt mirabilia misericordiarum dei, q̄ peccatores quos damnare oportuit, saluat, & indignos, quos cōtemni oportuit, glorificat, & in summa, humiles, abiectos, uiles exultat, Quæ dei cognitio dulcis est, corda sancto spiritu inflat, exhilarat & confortat.

Misericordias tuas, non iusticias, potentias, sapientias illorum, sicut psalmo præcedente dixerat: Non congregabo conuenticula corū de sanguinibus &c. Hoc enim non modo est mirabile & iucundum in oculis nostris, sed etiam irritabile & damnabile in oculis impiorum, qui nolunt esse stulti, peccatores & mali, ideo ut non possunt ferre, suam sapientiam, potentiam, iusticiam, argui, contemni, damnari, ita nec misericordias dei prædicari, unde semper resistunt deo, quem iactant, nō nisi iustorum esse deum, nec saluare nisi iustos, nec damnare nisi peccatores, nec quid peccatum, nec quid iusticia, nec quid misericordia, nec quid deus sit unq̄ intelligētes, sicut & nostra Theologia scholastica, id est impia, insipiens & illusoria, errat. Deus enim non fictus, sed ueros peccatores saluat, quia non ficta, sed uera est eius misericordia, non agit nobiscum uerbis, sed rebus. Iustus enim est, qui se agnoscit uere esse peccatorem, sicut Paulus dicit: Quorum primus ego sum.

*Theologia scholastica.*

*Videndū domi no nostro.*

Saluator sperantium seu fidentium, pulchre deum commonefacit operis & gloriæ suæ, opus enim eius est saluos facere, qui in se cōfidunt, sicut dicit, psal. xc. Quoniam in me sperauit liberabo eum, protegam eum, quoniam cognouit nomen meum, Et Hieremia. xxxix. Vade & dic Abdemelech Aethiopi, dicens: Hæc dicit dominus exercituum deus Israel: Ecce ego inducam sermo nes meos super ciuitatem hanc in malum & nō in bonum, & erunt in conspectu tuo in die illa, & liberabo te in die illa, ait dominus, & non traderis in manus uirorum, quos tu formidas, sed eruens liberabo te, & gladio non cades, sed erit